

Memory op Platt

Dat ne'e Memory-Speel is bi de Kinnergoorns un Scholen best ankommen. Dat is een Speel mit 35 Biller un is för Kinner twüschen 2 un 8 Johrn dacht. Wi harrn as ierste Oploog 300 Stück rutgeven, de restlos verköfft sünd. Deshalb warrt nu nochmol 300 Stück opleggt, de wedder von de „Plattdüütsch-Stiftung von Bärbel un Hans-Peter Fitschen“ mit Geld ünner de Arms grepen warrt.

De ne'e Oploog kummt Anfang Dezember rut un kann för 7,50 € bi uns Plattdüütsch-Büro bestellt warrn.

Protokoll von de letzte Mitgliederversammeln

Ünner www.landschaftsverband-stade.de/deplattduetschen.html

kann dat Protokoll von'n 11.05.2011 in'n Internet inseh'n warrn.

*Fröhliche Wiehnachten un all dat Best
för dat Johr 2012
wünscht jau de Vörstand von „De Plattdüütschen“*

Kontakte

Heinz Mügge, 1. Vorsitzender, Querweg 1, 21709 Düdenbüttel,

Tel. 04144/8050 - Fax 04144/4010, E-Mail: heinzmuegge@web.de

Gunter Armonat, 2. Vorsitzender, Hohenwedeler Weg 62, 21682 Stade

Tel. 04141/83732

Hans-Peter Fitschen, 3. Vorsitzender, Fasanenweg 18, 21682 Stade

Tel. 04141/788508

Hans-Peter Hellwege, Kassenwart, Im Schacht 3, 21709 Burweg

Tel. 04144/1626

Thomas Stelljes, Schriftführer, Feldblick 2, 21698 Harsefeld

Tel. 04164/812490, E-Mail: th-stelljes@t-online.de

Isa Steffen, Plattdüütschbüro, Holzstraße 20, 21702 Ahlerstedt

Tel. 04166-2079.520, E-Mail: isa.steffen@t-online.de

Bankverbindungen:

Kreissparkasse Stade Kto. 30 16 48 BLZ 241 511 16

Volksbank Himmelpforten Kto. 70 86 600 BLZ 241 910 15

De Plattdüütschen e.V.

Fördervereen för de plattdüütsch Sprook
in 'n Landkreis Stood

Uns lütt Blatt

Dit un dat
för
De Plattdüütschen

No. 17
Dezember 2011

Ne'e Mitglieder

Uns Vereen hett nu 420 Mitglieder Siet de letzte Mitgliederversammeln sünd noch 12 Ne'e dorkomen.

Gudrun Bergmann, Greundiek; Johanne un Klaus Blecken, Buxthu; Ingeborg Haubold un Wolfgang Haubold, Hornborg; Marianne Heins, Aps; Maria Koch, Wehl; Ulf-Rüdiger Rang, Hamborg; Tina Richters, Jörk-Wisch; Henry Schreiber, Burweg; Wilfried Vagst, Stood; Heino Süling, Stood;

Johrsmitgliederversammeln

Op de letzte Jahrsmitgliederversammeln sünd de stellvertretenden Vörsitter Gunter Armonat un Hans-Peter Fitschen einstimmig för dree Johr wedderwählt worrn.

Ne'e Schoolerlass

Lang hett dat duert ober nu is he dor, de ne'e Schoolerlass för Plattdüütsch.

Akroot heet he: „Die Region und ihre Sprachen im Unterricht“.

Wat warr dor regelt?

De Kinner schüllt al von de Grundschool an Plattdüütsch liehrn.

Wenn kene Schoolmesters dor sünd, denn könnt dat ok „außerschulische Kräfte“ (Platt-Experten) moken.

Scholen, de sik besünners för den Erwerb von de plattdüütsche Sprook insetten doot, de könnt den

Titel „Plattdeutsche Schule“ bi unsen Kultusminister beandrogen.

Wieter stüllt de Erlass seker, dat de Scholen, de Plattdüütsch ünnerrichten wüllt, von de Landeschoolbehörde in Lünborg beroot warrt.

Platt mookt plietsch

De Kinnergoorns un Speelkreise in 'n Kreis Stood hebbt nu al to'n föfften Mol mit de Akschoon „Platt mookt plietsch“ in de Sporkassen un Volksbanken op Plattdüütsch opmerksom mookt. Öber 300 Kinner hebbt sik an 'n 12. Mai mit Platt vörstellt.

Trotz vele Plokote hebbt man blots wenig Lüüd Tiet hat, sik dat antokieken.

Fröhe Mihrsprochigkeit fördert de Entwicklung von Kinner

No een Ünnerseuken von dat INS in Bremen snackt von de 200.000 Minschen in 'n Landkreis Stood man noch 14% Platt. Dat sünd denn blots noch 28.000 Lüüd. Vör 20 Johnn würrn dat noch 60.000 Minschen.

Uns Vereen hett sik dat to Opgov mookt, jüst de jungen Lüüd Platt bitobringen: in Kinnergoorns un in de Scholen. Denn jüst de frühe Mihrsprochigkeit - un dorto hüürt Plattdüütsch – fördert dat Dinken un Snacken bi de Kinner enorm.

Platt överall

Mit Plattdüütsch in 22 Kinnergoorns un 26 Grundscholen ligg de Kreis Stood in dat Rebeet

twüschen Elv un Weser ganz vörn an. Dat is goot so un bewiest ok, dat wi bi uns op enen goden Patt sünd. Man wi dröfft nich noloten. Wi brukt de Stütten von vele, vele Lüüd.

Wi steiht dat üm dat Plattdüütsche

Mit ene grote Anfroog hett de Landdag mit 140 Frogen Utkunft von de Landsregeren hebben wullt, wi dat üm de plattdüütsche Sprook bi uns in Neddersassen stohn deit.

Keen mihr doröber weten will, kann dat bi uns Plattdüütsch-Büro oder in't Internet ünner www.neddersassen.de affrogen.

Schoolmesterfortbillen in Bad Beers

In Bad Beers hett nu al de drütte Plattdüütsch - Schoolmesterfortbillen för ganz Neddersassen stattfunnen. Hierbi gifft dat Kultusministerium de Scholen un de Schoolmesters Stütten för jümehr Arbeit. Wat uns besünners opfullen ist, dat ditmol vele junge Schoolmesters dorbi würrn.

Een goot Teken.

Plattdüütsch-Wettlesen

Von den Stoder Landschopsverband is dit Johr de 18. „Plattdüütsche Lesewettbewerb“ utricht worrn.

Ut den Landkreis Stood hebbt dor 450 Kinner an deelnohmen.

Wat uns besünners freit is, dat twee Landessieger:

- Thies Wohlers ut Bargst un
- Linn Schuback ut Jörk-Achterdiek

ut den Landkreis Stood kommt.

Plakette för Kinnergoorns

19 Kinnergoorns von de Arbeitsgemeenschop „Platt in Kinnergoorn un Speelkreise“ sünd mit de Plakette „Wi snackt Platt“ för jümehr Verdeenst üm de plattdüütsche Sprook utteckend worrn.

Kreisdag snackt Platt

Doröber, wi dat üm dat Plattdüütsche in den Landkreis Stood steiht, hett uns Vörsitter körtens den Stoder Kreisdag mit enen Vödrag informiert. Besünners bedankt hett he sik för de Stütten von 5.000 €, mit de de Landkreis jedet Johr de Platt-Experten an de Grundscholen hülpen deit. All de Snackers von de Kreisdays-Frakschonen hebbt toseggt, dat dat so blieben schall. West dorför bedankt.

Plattsounds - de plattdüütsche Bandcontest

De ierste nedderdüütsche Bandcontest „Plattsounds“ is letzt in Ollenborg över de Bühne gohn. Een mit 'n anner würrn dat Bewerbungen von 30 Bands. Leider hett ut unsen Landkreis kene Band doran deelnohmen. Sieger is de Band „Musik-apparillo“ ut Emden worrn.

